



1. Հ. ՏԵՐ-ՊԵՏՐՈՍՅԱՆ

ՀԱՅ-ԱՍՈՐԱԿԱՆ ՀԱՐԱՔԵՐՈՒԹՅՈՒՆՆԵՐԻ ՄԵԾԱԳՈՒՅՆ ՀԵՏԱԶՈՏՈՂԸ

(Երվանդ Տեր-Մինասյանի (1879—1974) ծննդյան
100-ամյակի առթիվ)

Երբ սրանից մի տասը տարի առաջ Երվանդ Տեր-Մինասյանին հայտնեցի, որ պատրաստվում էմ զբաղվել հայ-ասորական հարաբերությունների ուսումնասիրությամբ, նա ասաց. «Ինչ որ պետք էր, ես արդեն արել եմ, այլևս անելու բան չկա»: Ականավոր գիտնականի այս անմիջական խոսքերի մեջ ծերունական հպարտությունից ավելի ես հակված եմ նկատելու սեփական փաստակի ատող զիտակցության փաստը: Իսկապես, Երվանդ Տեր-Մինասյանը այնպիսի խոշոր ավանդ է ներդրել հայ-ասորական կապերի ուսումնասիրման շրջանում, որ նրան կարելի է համարել գիտության արդ բնագավառի հիմնադիրը և առայժմ չգերազանցված հետազոտողը:

Երվանդ Տեր-Մինասյանը ըստ ամենայնի գնահատելով ասորերենից կատարված հայերեն թարգմանությունների կարևոր նշանակությունը¹, արդյունաևնեղծ հատուկ կերպով չի զբաղվել գրական առնչությունների ուսումնասիրությամբ: Նրա գիտական ծառանգության մեջ կարելի է գտնել այդ խնդիրներին նվիրված միայն մեկ-երկու փոքրածավալ աշխատություն, ինչպես օրինակ, 1921 թ. գրված «Արամի Խոստովանողի «Ակալք Արևելից»-ը և նրա ասո-

րական սկզբնատիպը» գրախոսությունը² և 1964 թ. հրատարակված «Զգոն» կոչված գրքի հեղինակի հարցը» հոդվածը³:

Վաստակաշատ բանասերի գիտական հետաքրքրությունների հիմնական առարկան է հանդիսացել հայ-ասորական եկեղեցական հարաբերությունների պատմությունը, մի բնագավառ, որի համակողմանի մշակման ողջ երախտիքը պատկանում է նրան: Այդ նյութն ամբողջությամբ լուսաբանված է Երվանդ Տեր-Մինասյանի «Հայոց Եկեղեցու յարաբերությունները ասորւոց Եկեղեցիների հետ»⁴ մենագրության (1908 թ.) և «Նեստորականությունը Հայաստանում» աշխատության (1946 թ.) մեջ⁵: Հեղինակը նույն նյութին վերաբերող մի շարք մասնակի խնդիրներ է քննել նաև

² Անդ, էջ 65—87:

³ Անդ, էջ 411—424:

⁴ Ե. Տեր-Մինասյան, Հայոց Եկեղեցու յարաբերությունները ասորւոց Եկեղեցիների հետ, Էջմիածին, 1908: Մենագրությունն առաջին անգամ լույս է տեսել 1904 թ. գերմաներեն. տե՛ս Erwand Ter-Minassiantz, Die Armenische Kirche in ihren Beziehungen zu den Syrischen Kirchen bis zum Ende des 13. Jahrhunderts, Leipzig, 1904, էջմիածնի հրատարակությունը վերջինիս վերանայված և լրացված տարբերակն է:

⁵ Տե՛ս Ե. Տեր-Մինասյան, Պատմա-բանասիրական հետազոտություններ, էջ 330—393:

¹ Հմմտ. Ե. Տեր-Մինասյան, Պատմա-բանասիրական հետազոտություններ, Երևան, 1971, էջ 287—290:

հետևյալ հոդվածներում. «Այսպես կոչված Պարսից ժողովրդ» (1907 թ.)⁶, «Մանագկերտի 726-ի ժողովի վեց ասորի եպիսկոպոսները և Խոսրովիկ թարգմանչի հիշած երկու ասորական վանքերը» (1907 թ.)⁷, «Բարգեն կաթողիկոսի ժողովի թվականը և տեղը» (1908 թ.)⁸, «Կնիք Հաւատոյ» ժողովածուն և Հայոց Եկեղեցու դավանաբանական դիրքը Զ և Է դարերում» (1921—1922 թթ.)⁹ և «Տիմոթեոս Կուզի «Հակաճատութիւն առ սահմանեալսն ի ժողովոյն Քաղկեդոնի» երկի թարգմանության ժամանակը» (1960 թ.)¹⁰: Թվարկված հոդվածներից առաջին երեքի հիմնական դրույթները լիովին արտացոլվել են վերը նշված «Հայոց Եկեղեցու յարաբերությունները...» մեծագրության մեջ, իսկ վերջին երկուսն, ընդհակառակն, հանդիսանում են մեծագրության առանձին դրույթների հետագա ծավալումն ու հիմնավորումը: Այսպիսով, հիշատակված աշխատությունները իրենցից ներկայացնում են մի նպատակաւաց ամբողջություն, և այդ պատճառով հարկ չկա մեկ առ մեկ անդրադառնալ յուրաքանչյուրին:

Իր լավագույն ուսումնասիրությունը՝ հայաստրական եկեղեցական հարաբերություններին նվիրված գերմաներեն գիրքը, Ե. Տեր-Մինասյանը հրատարակել է քսանհինգ տարեկան հասակում և այդ առաջին իսկ ծավալումն հետազոտությամբ իր համար արժանի տեղ ապահովել հայագիտական պատմության մեջ: Այդ մեծարժեք մեծագրությունը և նրա ընդլայնված հայերեն վերահրատարակությունը լայն արձագանք գտան ժամանակի գիտական մամուլում: Գրվեցին բազմաթիվ գրախոսություններ¹¹, որոնցից շատերի հեղինակները բարձր գնահատական տվին Ե. Տեր-Մինասյանի

գործին՝ ընդգծելով նրա բոլոր կարևոր արժանիքները: Հեղինակի համարձակ եզրահանգումները և հետազոտության բերած անակնկալ նորույթները տեղիք տվին նաև քննադատական արձագանքների, որոնք, սակայն, մի շարք արդարացի դիտողություններով հանդերձ, չկարողացան խախտել մեծագրության հիմնական դրույթները: Մատենագիտական բնույթի այս անհրաժեշտ ներածությունից հետո տեսնենք, թե ինչ որոշակի ներդրում ունի Ե. Տեր-Մինասյանը հայ-ասորական հարաբերությունների և ընդհանրապես Հայոց Եկեղեցու պատմության ուսումնասիրման գործում:

Ե. Տեր-Մինասյանի հիշյալ մեծագրության մեջ առաջին անգամ ամբողջական շարադրանքով ներկայացվեց հայ-ասորական դարավոր հարաբերությունների պատմությունը, որ ինքնին արդեն նշանակալից երևույթ էր հայագիտության բնագավառում: Առկա բոլոր աղբյուրների հիման վրա հեղինակն ստեղծել է մի կուռ տեսություն այդ հարաբերությունների բնույթի և նրանց որոշակի դրսևորումների վերաբերյալ: Հայաստրական եկեղեցա-դավանաբանական հարաբերությունների ուսումնասիրման խնդիրն, այսպիսով, ըստ էության լուծված պետք է համարել: Ընդ որում, Ե. Տեր-Մինասյանի հետևություններից մի քանիսը, որոնք վերաբերում են հայ ժողովրդի հոգևոր կյանքի շրջադարձային երևույթներին, հաստատուն տեղ են զբաղեցնում հայ պատմագիտության նվաճումների շարքում: Բացառապես նրա անվան հետ է կապված, օրինակ, հետևյալ երեք կարևոր դրույթների գիտական հիմնավորումը:

1. Ասորական Եկեղեցին Հայաստանում ազդեցություն է ունեցել միայն մինչև Ե դ. կեսերը: Սկսած Զ դարից Հայոց Եկեղեցին, ընդհակառակն, ինքն է «ազդեցություն գործում բաժան-բաժան եղած ասորական Եկեղեցու թույլացած հատումների վրայ և վերջիններիս կողմից ճանաչում իբրև ուղղափառ և օրինակելի Եկեղեցի»¹²:

2. Զ դ. կեսերից մինչև առնվազն Ը դ. սկիզբը Հայոց Եկեղեցին պաշտոնապես հարել է միաբնակության ամենահետևողական թեմին՝ հուլիականությանը:

3. Նեստորականությունը թեև բազմաթիվ փորձեր է կատարել Հայաստանում հաստատվելու, բայց որևէ հաջողության չի հասել և սկզբից նեթ վճռական հակահարված է ստացել:

Այժմ մեկ առ մեկ անդրադառնանք նրշ-

¹² Ե. Տեր-Մինասյան, Հայոց Եկեղեցու յարաբերությունները, էջ 62:

⁶ Աճ, էջ 45—58:

⁷ Աճ, էջ 59—64:

⁸ Աճ, էջ 31—44:

⁹ Աճ, էջ 88—118:

¹⁰ Աճ, էջ 394—410:

¹¹ Նշենք միայն նրանցից ամենակարևորները.

P. Peeters, „Analecta Bollandiana“, t. XXIV, 1905 p. 269—272; S. Weber, „Literarische Rundschau“, 1905, N 6, S. 208—210; G. Krüger, „Theologische Literaturzeitung“, herausgegeben von Adolf Harnack und Emil Schürer, 1906, N 2, S. 58—60 Հ. Թովմյան, «Լոյս» շաբաթաթերթ, Կ. Պոլիս, 1905, էջ 740—744, 764—767, 838—837, 860—863, 908—906, 980—933, 958—961, 1005—1008, 1054—1058. Ն. Ալիևյան, «Հանդես ամսօրեայ», 1907, էջ 252—256 և 1908, էջ 350—351. Մ. Խոսրովյան, «Արարատ», 1907, էջ 1094—1099. Կ. Վ., «Բազմավեպ», 1908, էջ 524—525:

ված հարցերից յուրաքանչյուրի տերմինա-
յանական մեկնաբանությանը:

1. Ինչպես հայտնի է, սկսած Գ. Դ. սկզբ-
քից Հայաստանում քարոզչական գործու-
նություն են ծավալել ազգությամբ ասորի
մի շարք վարդապետներ՝ Բարդաժան Ե-
ղեացիին, Հակոբ Մծբնացիին, Դանիել Ա-
սորին, Շադիսան և ուրիշներ: Ասորական
ազդեցությունը Հայաստանում լայն ծավա-
լում է ստացել հատկապես Հայոց դարձից
հետո՝ ողջ Դ. դարում և Ե. դ. առաջին կես-
ում: Այդ ազդեցության բազմազան դրսե-
վորումներն են՝ ասորի հոգևորականության
գործունեությունը Հայոց եկեղեցում, ասո-
րական անապատական շարժման թափան-
ցումը Հայաստան, հունարենի կողքին աս-
որերենի գործածությունը եկեղեցական
ժամերգության մեջ, Հայաստանում հունա-
կան և ասորական դպրոցների հիմնադրու-
մը, հայկական այբուբենի ստեղծումից հե-
տո ասորական ստվարածավալ գրականու-
թյան թարգմանությունը, հայոց լեզվում աս-
որական եկեղեցական բառերի առկայու-
թյունը և այլն: Ե. Տեր-Մինասյանը մեծ
կարևորություն է տալիս հատկապես ասո-
րական և հունական կուսակցությունների
պայքարին, այն համարելով «Հայոց եկե-
ղեցու Դ և Ե դարերի պատմության էական
միտք»¹³: Պետք է նշել տակայն, որ այս
հարցում արժանահիշատակ հեղինակը մի
շարք այլ հետազոտողների նման ընկել է
որոշ չափազանցության մեջ: Մասնավորա-
պես համոզիչ չէ աղյախի պայքարի ար-
տահայտություն համարել Գրիգոր Լուսա-
վորչի և Մանգլիկերտի եպիսկոպոս Ադ-
րիանոսի տների միջև եղած երկարատև
հակամարտությունը¹⁴: Ասորական կուսակ-
ցությունը Հայաստանում նկատելի պայքար
է ծավալում միայն սկսած Ե. դ. 30-ական
թվականներից: Դա բացատրվում է հետև-
յալ հանգամանքով:

410 և 424 թվականների ժողովներով
Պարսկաստանի ասորախոս քրիստոնեու-
թյունը վերջնականապես ձևավորվեց որ-
պես առանձին եկեղեցի և ճանաչվեց ար-
քունքի կողմից: Օգտվելով այն բանից, որ
հայոց պետականության վերացմամբ Հա-
յաստանի մեծ մասը հայտնվեց Սասանյան
տերության կազմում՝ Պարսկաստանի ասո-
րական եկեղեցին փորձեց իր ազդեցությու-
նը տարածել նաև Հայ եկեղեցու վրա և
դառնալ ողջ քրիստոնյա բնակչության ներ-
կայացուցիչը արքունիքի առջև: Վերջինս

ընդառաջ գնաց ասորիների նկրտումներին,
հույս ունենալով, ըստ երևույթին, հայերին
անջրպետել հունական ազդեցությունից:
Դրա ապացույցը պետք է համարել այն
փաստը, որ Ե. դ. 30-ական թվականներին
Հայոց եկեղեցու կաթողիկոսական գահին
հաջորդաբար հայտնվում են երկու ասորի
հոգևորականներ՝ Բրքիշոն և Ծմուելը:
Պարսկաստանի ասորական եկեղեցին՝ այլ
կերպ կոչված Արևելից եկեղեցի, հայերի
նկատմամբ որոշ ոտնձգություններ է կա-
տարում նաև Ե. դ. 60—80-ական թվական-
ներին, երբ պաշտոնապես որդեգրում է
Արևմուտքում հալածված մեստորական
ուսմունքը:

Վահան Մամիկոնյանի ապստամբությու-
նից հետո, երբ Սասանյան արքունիքը ճա-
նաչում է Հայոց եկեղեցու իրավունքները
և հրաժարվում հայերի դավանանքի նկատ-
մամբ վարած դաժան քաղաքականությու-
նից, իրերի վիճակը լրիվ փոխվում է: Այժմ
արդեն, ինչպես նշում է Ե. Տեր-Մինասյա-
նը, ասորիներն իրենք են դիմում հայերի
օգնությանը, և, ընդհակառակն, Հայոց ե-
կեղեցին է սկսում ազդեցություն գործել աս-
որական եկեղեցու ստանձին հատվածնե-
րի վրա:

Դավանաբանական վեճերի հետևանքով
Ե. դ. վերջում ասորական եկեղեցին կորց-
րել էր իր երբեմնի հզորությունը: Բյուզան-
դական կայսրության ասորի հպատակները
բռնել էին միաբնակության կողմը, իսկ
Պարսկաստանում բնակվող ասորիները,
ինչպես առաջինը, որդեգրել էին մեստո-
րական ուսմունքը: Սակայն Պարսկաստա-
նի հյուսիս-արևմուտքում դեռևս կալին ո-
րոշ ասորաբնակ շրջաններ, որտեղ մես-
տորականությունը չէր կարողացել հաս-
տատվել: Այդ շրջանների հոգևոր առաջ-
նորդները, քաղաքական անջատվածության
պատճառով հնարավորություն չունենալով
դիմել Ասորիքի իրենց ազգակիցներին,
Զ. դ. սկզբից սկսում են մերձեցման ուղի-
ներ որոնել Հայոց եկեղեցու հետ:

Այսպես, 505/6 թ. Պարսից աշխարհից
Բաբգեն կաթողիկոսի (490—515 թթ.) մոտ
են գալիս մի քանի ասորի հոգևորական-
ներ և խնդրում պարզել Հայոց եկեղեցու
դիրքորոշումը մեստորականության նկատ-
մամբ, որովհետև մեստորականները յուր
էին տարածել, թե իրենց և հայերի դավա-
նանքը նույնն է: Այս փաստը Ե. Տեր-Մի-
նասյանը համարում է հարևան եկեղեցի-
ների մեջ Հայոց եկեղեցու ունեցած «ա-
ռանձնապատուկ դիրքի» վկայությունը¹⁵: «Զ.

¹³ Անդ, էջ 21:

¹⁴ Այս ծայրամեղության վրա ուշադրություն է
հրավիրվել դեռևս 1905 թ., տե՛ս Է. Թոփչյան, Նշվ.
աշխ., էջ 764:

¹⁵ Ե. Տեր-Մինասյան, Հայոց եկեղեցու յարաբե-
րությունները, էջ 79:

դարուց սկսած,—գրում է նա,—ասորիներն իրենց հաւատոյ ճշմարտութեան համար սկսել են իրենց համաձայնութիւնը հայոց հետ շեշտել և այդ ապացոյցը շատ պարզ կերպով երևում է, որ ծանրակշիռ է եղել: ...Այս հանգամանքը ամենանշանաւոր մոմենտներից մէկն է Հայոց Եկեղեցու և ասորական կուսակցութիւնների յարաբերութեան մէջ: Ոչ մէկը այդ կուսակցութիւններից չի կամենում հաղորդակցութիւնը կրտրած լինել հարեան Հայոց Եկեղեցու հետ, այդ պատճառով էլ ամեն կողմից աշխատում են նրան գրաւել իրենց կողմը»¹⁶: «Եւ այդ հասկանալի է,—ավելացնում է Ե. Տեր-Մինասյանը,—ասորի հարեանները տեսել էին թէ ինչպէս Հայոց Եկեղեցին իր հաւատի համար հզօր պարսիկների դէմ ազատ համարձակ կոտի էր ելել և երկարատեւ անհաւասար պայքարից պատուով և իբրեւ յաղթական դուրս եկել: Նրանք տեսնում էին որ պարսիկներն անգամ հայերի հետ ուրիշ կերպ էին վարում, նրանց զօրեղ իշխաններից ակնածելով»¹⁷:

Հայոց Եկեղեցու ազդեցության մյուս կարևոր վկայությունն է այն փաստը, որ Զ. ղ. կեսերին Ներսէս Բ կաթողիկոսը (548—557 թթ.) Ադմիքի միաբնակ ասորիների խնդրանքով նրանց համար եպիսկոպոս է ձեռնադրում Աբդիշո երեցին: Ի միջի այլոց հայտնի է, որ դրանից առաջ էլ Նինվեի մերձակայքի ասորիների համար մի եպիսկոպոս էր ձեռնադրել Հայոց Քրիստափոր Ա կաթողիկոսը (539—545 թթ.): Ե. Տեր-Մինասյանի հիմնավոր ենթադրությամբ՝ Անտիոքի պատրիարքությունից կտրված այս թեմի եպիսկոպոսները հետագայում էլ շարունակել են ձեռնադրվել հայ կաթողիկոսների կողմից, մինչև հավանաբար Է. ղ. սկիզբը, երբ բյուզանդացիների առաջխաղացմամբ հնարավոր եղավ վերականգնել կապը Անտիոքի հետ: Այս փաստերը ցույց են տալիս, որ Հայոց Եկեղեցին ըստ էության դարձել էր Սասանյան տերության բոլոր միաբնակ քրիստոնյաների հոգևոր առաջնորդը:

2. Ե. Տեր-Մինասյանի մյուս կարևոր եզրահանգումը, որ անակնկալ էր հայագետների համար, վերաբերում է Հայոց Եկեղեցու դավանաբանական դիրքորոշմանը: Հայտնի է, որ Զ. ղ. 20-ական թվականներին միաբնակությունը դավանաբանական հողի վրա պատակովում է երկու հակամարտ կուսակցության, որոնց առաջնորդներն էին քաղկեդոնական հալածանքների պատճառով իրենց աթոռներից գրկված և

Սղեքսանդրիա ապաստանած Հուլիանոս Հալիկառնացի և Սևերոս Անտիոքացի եպիսկոպոսները: Առաջինի կարծիքով՝ Քրիստոսի մարմինը մարդկային այնպիսի կարիքների, ինչպիսիք են քաղցը, ծարավը, հոգնությունը, քունը, քրտինքը, արտասուքը և այլն, ենթարկվում էր ոչ թե հարկադրաբար, այլ ինքնակամ կերպով: Դրան հակառակ Սևերոսը պնդում էր, որ Քրիստոսի մարմինը մարդկային մարմինների մեջ ևս ապականացու է եղել: Հակոբ Բարադեսու եպիսկոպոսի ջանքերով միաբնակ ասորիների մեծ մասը, որը հետագայում իր հիմնադրի պնդումով հորջորջվեց Հակոբիկյան Եկեղեցի, անցավ Սևերոս Անտիոքացու կողմը: Սակայն Հակոբիկյան Եկեղեցու ազդեցությունից դուրս մնացած միաբնակ ասորիները, մասնավորապես նրանք, ովքեր բնակվում էին հյուսիսային Միջագետքի պարսկական տիրապետության տակ գտնվող գավառներում, որդեգրեցին հուլիանականությունը:

Ինչպես վերը նշեցինք, այս շրջանների ասորիները սերտ կապերի մեջ էին Հայոց Եկեղեցու հետ: Այդ պատճառով բնականաբար նրանց միջոցով՝ հատկապես վերոհիշյալ Աբդիշո եպիսկոպոսի ջանքերով հուլիանականությունը թափանցում է նաև Հայաստան: Դվինի 554 թ. ժողովը պաշտոնապես դատապարտում է Քրիստոսի մարմնի ապականացու լինելու ուսմունքը և նշում Սևերոս Անտիոքացուն: Սակայն Ե. Տեր-Մինասյանը իրավացիորեն նշում է, որ չի կարելի այս հարցում չափազանցել ասորիների դերը: Հուլիանականության որդեգրումը Հայոց Եկեղեցու կողմից նա քաջատրում է նրանով, որ «Հուլիանական ուսմունքը յուրական փրկագործութեան գաղափարի հետևողական զարգացումն էր, և Հայոց Եկեղեցու ներքին զարգացումն էլ բնականաբար այդ ուղղությամբ է ընթացել»¹⁸:

Եթե, ինչպես տեսանք, արաբական նվաճումներից առաջ Հայոց Եկեղեցին հիմնականում շփվում էր միաբնակ ասորիների ստանձնի թեմերի հետ, ապա այդ նվաճումների հետևանքով հնարավորություն է ստեղծվում սերտ կապեր հաստատել նաև Հակոբիկյան պաշտոնական Եկեղեցու հետ: Հայտնվելով մեկ պետության՝ Արաբական ընդարձակ խալիֆայության կազմում, հայերն ու ասորիները ձգտում են միասնական ճակատ կազմել քաղկեդոնականության դեմ: Այդ նպատակով Հայոց կաթողիկոս Հովհան Օմենցին (717—728 թթ.) և Հակոբիկների Աթանասիոս պատրիարքը

¹⁶ Անդ:¹⁷ Անդ, էջ 105:¹⁸ Անդ, էջ 121:

726 թվականին Մանգոլներում ժողով են գումարում և Հայոց ու Ասորոց Եկեղեցիների միջև միություն հաստատում: Գործը գլուխ բերելու համար կողմերը ստիպված են լինում դավանաբանական հարցերում փոխադարձ զիջումներ կատարել: Դրա հետևանքով Մանգոլների ժողովում Սևերոսի կողքին նշանակվում է նաև Հուլիանոս Հալիկաոնացին: Սակայն, ինչպես համոզիչ կերպով ցույց է տալիս Ե. Տեր-Մինասյանը, այդ նշանակումը իրականում դիվանագիտական քայլի արտահայտություն է եղել, և հայերը ըստ էության հետագայում էլ չեն հրաժարվել հուլիանականության հիմնական գաղափարներից:

3. Ե. Տեր-Մինասյանի երրորդ նշանակալից ներդրումը հայ-ասորական կապերի ուսումնասիրման խնդրում՝ մեստորական քարոզիչների Հայաստանում ծավալած գործունեության բացահայտումն է: 1946 թ. լույս ընծայած իր ամփոփ ուսումնասիրությանը Ե. Տեր-Մինասյանը ապացուցեց, որ մեստորական վարդապետները մոտ 200 տարի շարունակ՝ սկսած Ե դ. 30-ական թթ. մինչև Է դ. սկիզբը, բազմաթիվ փորձեր են կատարել Հայաստանում իրենց ուսմունքը տարածելու: Ի դեպ պետք է նշել, որ դրանից առաջ բանասիրության մեջ նկատվում էր Հայաստանում մեստորականության խաղացած դերի չափազանցման¹⁹ կամ, ընդհակառակը, անտեսման²⁰ երկու ծայրահեղ միտում:

Նեստորականների՝ Հայաստանում ծավալած գործունեության առաջին հիշատակությունը կապված է Սահակ Պարթևի և Մաշտոցի անունների հետ: Եփեսոսի ժողովից հետո, որին հայերը չէին մասնակցել, Կոստանդնուպոլսի Պրոկո և Մելիտենի Ակակ եպիսկոպոսները առանձին թղթերով Հայոց Եկեղեցու առաջնորդներին զգուշացնում են մեստորական վարդապետությունից մոլորվելուց: Սահակն ու Մաշտոցը պատասխան թղթերում հայտնում են, որ իրենք վճռական միջոցառումներով կանխել են մեստորական քարոզությունը Հայաստանում:

Նեստորականությունը Հայաստանում ավելի համարձակ գործողությունների է դիմում հատկապես Ե. դ. 80-ական թթ., երբ Սասանյան արքունիքի հովանավորությամբ

այն ճանաչվում է Պարսկաստանի ասորախոս Եկեղեցու պաշտոնական դավանանքը: Ողջ Զ դարը նշանավորվում է մեստորականության դեմ Հայոց Եկեղեցու մղած անընդհատ պայքարով, որի ընթացքում վերջինս երբեմն դիմում է նույնիսկ աշխարհիկ իշխանությունների օգնությանը: Նեստորականության հարցը քննարկվել է Հայոց Եկեղեցու երկու ժողովներում՝ 506 և 554 թվականներին, որոնք վճռականորեն դատապարտել են այդ ուսմունքը և նշանակել նրա հեղինակություններին՝ Նեստորին, Թեոդոր Մոպսուեստացուն, Դիոդոր Տարսուսացուն, Թեոդորեոս Լյուրացուն, Բարծուս Մծրնացուն և այլն:

Ուշադրության արժանի է Ե. Տեր-Մինասյանի հատկապես այն դատողությունը, որ մեստորականությունը Հայաստանում հիմնվել է Հայոց Եկեղեցուց դժգոհ զանազան տարրերի, մասնավորապես մծղներից աղանդի մնացուկների վրա: Պետք է ավելացնել նաև, որ աղբյուրների հավաստի վկայությամբ մեստորականները հիմնվել են նաև Հայոց ազդեցության տակ գտնվող մյուս ժողովուրդների վրա՝ հավանաբար օգտագործելով նրանց և հայերի ազգային հակառակի հակասությունները: Հայտնի է, օրինակ, որ Զ դ. վերջում և Է դ. սկզբում մեստորականները որոշ հաջողություն են ունեցել Վրաստանում և Աղվանքում՝ հարուցելով Հայոց Եկեղեցու առաջնորդների զայրույթը:

Հետաքրքիր է նաև Ե. Տեր-Մինասյանի այն միտքը, որ Հայաստանում մեստորականությունը դասվել է քաղկեդոնականության շարքը՝ իհարկե այդ դավանանքների մերձավորության լիակատար գիտակցությամբ, իսկ հաճախ պարզապես այդ դավանանքները նույնն են համարվել:

Նեստորականների եռանդուն գործունեությունը Հայաստանում քաջատրվում է այն հանգամանքով, որ, ինչպես վերը նշեց, նրանք վայելում էին պարսից արքունիքի աջակցությունը: Սասանյան կայսրության վերացմամբ այդ գործունեությունը փաստորեն լիովին դադարում է: Դա ցույց է տալիս, որ ի տարբերություն քաղկեդոնականության, որը հայերի մեջ միշտ էլ բավականին կողմնակիցներ է ունեցել, մեստորականությունը Հայոց Եկեղեցու համար ներկայացրել է միայն արտաքին վրտանգ, չկարողանալով որևէ կերպ ազդել նրա ներքին կյանքի վրա:

Ե. Տեր-Մինասյանը մեծ ծառայություն ունի նաև Հայոց Եկեղեցու պատմության ամենաշրջադարձային իրողություններից մեկի՝ քաղկեդոնականության նկատմամբ բռնած դիրքի լուսաբանման գործում: Նրա

¹⁹ Տե՛ս Н. Мэпп, Аркаун, монгольское название Христиан, в связи с вопросом об армянах—халкедонитах, СПб., 1905, стр. 3.

²⁰ Տե՛ս Մո. Մալխասյան, Մովսես Խորենացին Դաղկեդոնական էր, «Տեղեկագիր ՀՍՍՀ Գիտությունների ակադեմիայի», 1944 թ., № 3—4, էջ 38—39:

մի շարք աշխատությունների շնորհիվ կամելի է վերջնականապես լուծված համարել, որին հարցը, որ Հայոց եկեղեցին առաջին անգամ Քաղկեդոնի ժողովը պաշտոնապես դատապարտել է 554 թվականին՝ Դվինի երկրորդ ժողովում:

Բացի պատմագիտական բնույթի այս մեղմահանուր խնդիրներից, Ե. Տեր-Մինասյանը հայ-ասորական հարաբերություններին նվիրված իր հետազոտություններում մեկնել է նաև բազմաթիվ մասնակի հարցեր, չլուծված մի շարք եկեղեցական ժողովների ստանձանկը, բացահայտել նրանց գումարման շարժառիթները և կայացրած վճիռները: Լիովին պարզված պետք է համարել, որին հարցը, Դվինի առաջին և երկրորդ ժողով-

ների (506 և 554 թթ.), այսպես կոչված Պարսից ժողովի (613 թ.) և վերջապես՝ Մանազկերտի ժողովի (726 թ.) հանգամանքները:

Ամփոփելով այս համառոտ վերլուծությունը՝ կարող ենք նշել, որ Ե. Տեր-Մինասյանը հանդիսանում է հայ-ասորական պատմա-եկեղեցական հարաբերությունների մեծագույն հետազոտողը, որի հետևություններից շատերը մնայուն տեղ են գրանցում արդի հայ պատմագիտության նվաճումների շարքում և, պետք է հուսալ, որ նրանք իրենց արժանի արտացոլումը կգտնեն «Հայ ժողովրդի պատմության» ապագա հրատարակության սպասվող հատորում:

